

HUQUQBUZARLIKLAR PROFILAKTIKASI FAOLIYATINI REJALASHTIRISHNING TASHKILIY ASOSLARI VA TURLARI

<https://doi.org/10.5281/zenodo.7810406>

Isroilov Doston Rustam o'g'li

Ўzbekiston Respublikasi Ichki ishlar vazirligi Akademiyasi

Annotatsiya: *Usgbu maqolada Huquqbuzarliklar profilaktikasi faoliyatini rejalashtirishda jinoyatchilikka qarshi kurashish va huquqbuzarliklar profilaktikasi qonunchiligida profilaktika normalarini takomillashtirish amaliy jihatdan dolzarb masalaga yechim izlash haqida fikr yuritiladi.*

Kalit so'zlar: *Inson va fuqarolar, Inson va fuqarolar, Jinoyat kodeksi, maxsus qismi, jamiyat va davlat, dinga bo'lgan muhabbat.*

Абстрактный: *В данной статье высказывается мнение о поиске решения практического вопроса борьбы с преступностью при планировании профилактических мероприятий и совершенствовании профилактических норм в законодательстве о предупреждении преступности.*

Ключевые слова: *Человек и гражданин, Человек и гражданин, Уголовный кодекс, особенная часть, общество и государство, любовь к религии.*

Abstract: *In this article, there is an opinion about the search for a solution to the actual problem of crime prevention in the planning of crime prevention activities and the improvement of preventive norms in crime prevention legislation.*

Keywords: *Man and citizens, Man and citizens, Criminal Code, special part, society and state, love for religion.*

Huquqbuzarliklar profilaktikasi faoliyatini rejalashtirishda jinoyatchilikka qarshi kurashish va huquqbuzarliklar profilaktikasi qonunchiligida profilaktika normalarini takomillashtirish amaliy jihatdan dolzarb masala bo'lib qolmoqda. Chunki, shu orqali "Huquqbuzarliklar profilaktikasi faoliyatini rejalashtirishda" unda amalga oshirilishi lozim bo'lgan chora-tadbirlar takomillashib borishi yuzaga keladi. O'zbekiston Respublikasi Prezidenti Shavkat Mirziyoyevning:

“ qonunlarning to'liqligi, hayotiyliigi va to'g'ridan-to'g'ri amalga oshirish mexanizmlariga ega ekani haqida so'z yuritganda, bu borada hali ko'p ish qilishimiz kerakligini ta'kidlash zarur”, degan fikrlaridan kelib chiqib, haqiqatdan ham, ayrim sohalarni tartibga soluvchi qonunlarda muayyan bo'shliqlar mavjud bo'lib, ular davlatimizning yanada rivojlanishiga salbiy ta'sir etishi mumkun. Shuning uchun ham qonunchilikdagi bo'shliqlarni to'ldirish va har bir sohani yanada takomillashtirish maqsadida ir qator qonunlar qabul qilinmoqda.

Qabul qilingan qonunlarning tub mazmun-mohiyati fuqarolarning qonuniy manfaatlarini ta'minlashga qaratilgan. O'tgan yillar davomida bu borada ko'pgina ishlar amalga oshirildi, jumladan huquqbuzarliklar profilaktikasi va jinoyatchilikka qarshi kurashishda fuqarolik jamiyati institutlarining faoliyati hamda jamoatchilik nazorati bilan bog'liq qator qonun hujjatlari qabul qilindi. Yurtimizda xalqning davlat hkimiyati va boshqaruv organlariga bo'lgan ishonchini oshirish mexanizmlarini takomillashtirishning falsafiy-siyosiy jihatlariga e'tibor qaratish hamda qonunchilik bazasini yanada mustahkamlash borasida qator choralar ko'rildi. Jumladan, o'tgan davr mobaynida ushbu sohaga oid 200 dan ziyod normativ-huquqiy hujjatlar qabul qilindi. Jumladan, O'zbekiston Respublikasi Konstitutsiyasining 34-moddasida fuqarolarning jamoat birlashmalriga uyushish huquqi mustahkamlab qo'yilgan bolib, unga ko'ra "O'zbekiston Respublikasi fuqarolari kasaba uyushmalariga, siyosiy partiyalarga va boshqa jamoat birlashmalriga uyushish, ommaviy harakatlarda ishtirok etish huquqiga egadirlar".

Huquqbuzarliklar profilaktikasi faoliyatini rejalashtirishning huquqiy asoslari-qonunlar va qonunchilik hujjatlarida ifodalangan qoidalar, farmoyishlar va ko'rsatmalar hamda davlat organlarining ushbu faoliyatga doir buyruq, yo'riqnoma va boshqa normativ hujjatlarining yig'indisidir. Bugungi kunda "Huquqbuzarliklar profilaktikasi faoliyatini rejalashtirish"ni belgilab beruvchi huquqiy asos yaratildi.

Huquqbuzarliklar profilaktikasi faoliyatini rejalashtirishga doir huquqiy asoslarni ta'sir ko'rsatish kuchiga ko'ra quyidagi yo'nalishlarga bo'lib o'rganish mumkin:

- 1)Xalqaro huquqiy hujjatlar;
- 2)Konstitutsiya va qonunlar;
- 3)Qonunosti hujjatlar.

Huquqbuzarliklar profilaktikasi faoliyatini rejalashtirishg oid xalqaro huquqiy hujjatlar:

- 1)Inson huquqlari Umumjahon Deklaratsiyasi (1948);
- 2)Fuqarolik va siyosiy huquqlar to'g'risida xalqaro pakt (1966);
- 3)Irqi kamsitishning barcha shakllariga barham berish to'g'risidagi Konvensiya(1965);
- 4)Xotin-qizlar huquqlari kamsitilishining barcha shakllariga barham berish to'g'risidagi Konvensiya (1979);
- 5)Qiynoq hamda muomala va jazolashning qattiq shavqatsiz, insoniylikka zid yoki qadr-qimmatni kamsituvchi turlariga qarshi kurashish to'g'risidagi Konvensiya (1979);
- 6)Jinoyatdan jabr ko'rganlar va mansabni suiiste'mol qilganlik uchun odil sudlov asosiy tamoyillarining Deklaratsiyasi (1985);
- 7)Birlashgan Millatlar Tashkilotining ozodlikdan mahrum etilgan voyaga yetmagan bolalarni himoya qilishga doir qoidalari (1986);
- 8)Har qanday shaklda ushlab turish yoki qamoqxonaga qamab qo'yilgan barcha shaxslarni himoya qilish bo'yicha tamoyillar to'plami(1988);

9) Bola huquqlari to'g'risidagi Konvensiya (1989);

10) Mansabdor shaxslarning huquqiy targ'ibotni saqlash borasidagi xulq-atvor kodeksini samarali amalga oshirish uchun rahbarlik tamoyillari (1989);

11) Jinoyatdan jabr ko'rgan va jinoyat guvohi bo'lgan bolalarni himoyalash to'g'risidagi Deklaratsiya (2005);

12) Birlashgan Millatlar Tashkilotining qamoqxonaga qamab qo'yish bilan bog'liq bo'lmagan choralarga nisbatan minimal standart qoidalari "Tokio qoidalari" (1990);

13) Mahkumlar bilan muomala qilishning asosiy tamoyillari (1990);

14) Huquqiy targ'ibotni saqlab turish bo'yicha mansabdor shaxslar tomonidan kuch va o'qotar qurollardan foydalanishning asosiy tamoyillari (1990);

Huquqbuzarliklar profilaktikasi faoliyatini rejalashtirishga oid Konstitutsiya va milliy qonunlar:

O'zbekiston Respublikasi Konstitutsiyasining "Inson va fuqarolarning asosiy huquqlari, erkinliklari va burchlari" deb nomlangan ikkinchi bo'limining "Shaxsiy huquq va erkinliklar" ga bag'ishlangan 7-bobida keltirilgan "..... hech kim qiynoqqa solinishi, zo'ravonlikka, shafqatsiz yoki inson qadr-qimmatini kamsituvchi boshqa tarzdagi tazyiqqa duchor etilishi mumkin emas. Hech kimda uning roziligisiz tibbiy yoki ilmiy tajribalar o'tkazilishi mumkin emas", "Har kim o'z sha'ni va obro'siga qilingan tajovuzlardan, shaxsiy hayotiga aralashishdan himoyalani va turarjoyi daxlsizligi huquqiga ega", "Hamma uchun vijdon erkinligi kafolatlanadi. Har bir inson o'zi xohlagan dinga e'tiqod qilish yoki hech qaysi dinga e'tiqod qilmaslik huquqiga ega. Diniy qarashlarni majburan singdirishga yo'l qo'yilmaydi". Ushbu Konstitutsiyaning talablarini bajarishda vujudga keladigan ijtimoiy munosabatlarni huquqiy tartibga solishda O'zbekiston Respublikasining Jinoyat, Jinoyat-protsessual va Ma'muriy javobgarlik to'g'risidagi kodekslari muhim o'rin tutadi. O'zbekiston Respublikasi Jinoyat kodeksining 2-moddasida;

Birinchidan, shaxsni, uning huquqlari va erkinliklarini, jamiyat va davlat manfaatlarini, mulkni, tabiiy muhitni, tinchlikni, inson xavfsizligini jinoiy tajovuzlardan muhofaza etish;

Ikkinchidan, jinoyatlarning oldini olish;

Uchinchidan, fuqarolarni Respublika Konstitutsiyasi va qonunlariga rioya etish ruhida tarbiyalash uning asosiy vazifalari qilib belgilangan.

Jinoyat kodeksining maxsus qismi normalari bilan jinoyat deb ko'rsatilgan qilmish uchun jazoning belgilanganligi to'g'ridan-to'g'ri shaxslarni bunday jinoiy qilmishlarni sodir etishdan ushlab turadi. Tadqiqotlar va jinoyatchilikka qarshi kurashish amaliyoti shuni ko'rsatmoqdaki, jamiyatda jinoyat uchun jazoning muqarrarligini ta'minlash qanchalik yuqori darajada bo'lsa jinoyat kodeksi normalarining jinoyatlarning oldini olish bo'yicha samarasi shuncha yuqori bo'ladi. Aytish joizki, Huquqbuzarliklar profilaktikasi faoliyatini rejalashtirish jinoyatchilikka qarshi kurashishga barcha davlat

organlari jamoat birlashmalari bilan birgalikda harakat qilishini ta'minlanadi, shunday ekan biz Konstitutsiyamiz uchinchi bo'limining "Jamoat birlashmalari" deb nomlanuvchi 13-bobidagi moddalar fuqarolik jamiyatining an'analarini tiklash, jamoat birlashmalarining maqomini huquqiy tarzda rasmiylashtirish, ularning real va barqaror rivojlanishini ta'minlashga qaratilgan konstitutsiyaviy qoidalardan tashkil topgan. Eng muhimi, Konstitutsiyamizda fuqarolik jamiyati institutlarini tashkil etish va ular faoliyatining huquqiy asoslari e'tirof etilgan, ularning davlat bilan o'zaro hamkorligi, prinsiplari belgilangan.

Ana shu konstitutsiyaviy normalarni amalda qo'llash maqsadida "O'zbekiston Respublikasi jamoat birlashmalari to'g'risida", "Kasaba uyushmalari, ularning huquqlari va faoliyatining kafolatlari to'g'risida", "Nodavlat notijorat tashkilotlari to'g'risida", "Fuqarolarning o'zini-o'zi boshqarish organlari to'g'risida", "Siyosiy partiyalar to'g'risida", "Jamoat fondlari to'g'risida", "Siyosiy partiyalarni moliyalashtirish to'g'risida", "Vijdon erkinligi va diniy tashkilotlar to'g'risida", "Nodavlat notijorat tashkilotlari faoliyatining kafolatlari to'g'risida", "Ijtimoiy sherikchilik to'g'risida", qonunlar qabul qilindi. Qolaversa fuqarolikjamiyati institutlari faoliyat ko'rsatadigan huquqiy maqomini yanada kengaytirish maqsadida 2017-2021 yillarga mo'ljallangan O'zbekiston Respublikasini rivojlantirishning 5 ta ustuvor yo'nalishi bo'yicha Harakatlar strategiyasi hamda 2022-yil 28-yanvardagi 2022-2026 yillarga mo'ljallangan Yangi O'zbekistonning Taraqqiyot strategiyasi asosida qonun hujjatlari yanada takomillashtirildi

"Huquqbuzarliklar profilaktikasi faoliyatini rejalashtirish" jarayonid vakolatli organlar jumladan ichki ishlar organlari o'z xizmat vakolatlari doirasida O'zbekiston Respublikasining Inson va fuqarolar to'g'risidagi kodeksining maxsus qismida ko'rsatilgan ma'muriy huquqbuzarliklarni aniqlash, ularning sodir etilganligi haqida kerakli protsessual hujjatlarni rasmiylashtirish hamda mazkur kodeksning 18-bobidagi normalarga asosan belgilangan tartibda ko'rib chiqishga vakolatli organlarga yuborish tartiblari belgilanganligini ko'rishimiz mumkin.

ADABIYOTLAR:

1. Sh.M.Mirziyoevning "Sud-huquq tizimini yanada isloh qilish, fuqarolarning huquq va erkinliklarini ishonchli himoya qilish kafolatlarini kuchaytirish chora-tadbirlari to'g'risida"gi Farmoni 21.10. 2016 yil

2. Yangi O'zbekiston gazetasi elektron Manbaa: <https://yuz.uz/uz/news/jamoatxavfsizligini-taminlashda-profilatika-inspektorining-roliganday>

3. O'zbekiston Respublikasi IIVning rasmiy veb sayti elektron Manbaa: <https://iiv.uz/news/profilatika-inspektorlarining-faoliyati-bilan--bogliq>